

經

義

考

經義考卷一百二十一

秀水 朱彝尊

編

男 昆田

校

周禮二

杜氏

子春

周官注

佚

後漢書杜子春永平之初年且九十能通其讀頗識其說
鄭眾賈逵往受業焉

按禮疏所引後漢馬融傳中文范史無之當係謝
承華嶠袁山松等書中語也

賈公彥曰劉歆門徒河南緱氏杜子春永平初年且九十
家於南山通周官說

陸德明曰河南緱氏杜子春受業於劉歆還家以教門徒
好學之士鄭興父子等多師事之

晁公武曰周官漢永平時杜子春初能通其讀

鄭氏興周官解詁

佚

後漢書鄭興字少穎河南開封人建武六年徵爲大中大夫

按鄭康成注稱爲鄭大夫者卽興之解詁也

鄭氏眾周官解詁

佚

後漢書鄭眾賈逵洪雅博聞又以經書記轉相證明杜氏
爲解達解行於世眾解不行然眾所解說近得其實

按此禮疏所引范史無之

陸德明曰河南鄭眾字仲師大司農

晁公武曰鄭興鄭眾傳授周禮康成引之以參釋異同云
大夫者興也司農者眾也

按鄭康成注稱爲鄭司農孔氏正義呼曰先鄭而
目康成爲後鄭

賈氏達周官解故

佚

後漢書達明左氏傳國語爲之解詁五十一篇帝復令撰
齊魯韓詩與毛氏異同并作周官解故

衛氏宏周官解詁

佚

張氏衡周官訓詁

佚

後漢書張衡字平子南陽西鄂人安帝徵拜郎中再遷爲太史令出爲河閒相徵拜尙書著周官訓詁崔瑗以爲不能有異於諸儒也

劉昭注續漢書百官志順帝時平子爲侍中典校書方作周官解說乃欲以漢次述漢事會復遷河閒相遂莫能立也

馬氏融周官禮注

隋志十二卷

佚

孔穎達曰馬融爲周禮注欲省學者兩讀故具載本文後

漢以來始就經爲注

鄭氏立周官禮注

隋志十二卷

存

立自述曰世祖以來通人達士大中大夫鄭少顓及子大司農仲師議郎衛次仲侍中賈君景伯南郡太守馬季良皆作周禮解詁立竊觀二三君子之文章顧省竹帛之浮辭其所變易灼然如晦之見明其所彌縫奄然如合符復析斯可謂雅達廣攬者也二鄭者同宗之大儒今讚而辨之庶成此家世之所訓也

後漢書立從東郡張恭祖受周官禮記

酈道元曰淇水出犇縣北魚齒山周禮荊州其浸潁湛鄭

立注云未聞蓋偶有不照也

王炎曰周禮一書今學者所傳康成之訓釋也可謂有功於周禮矣雖然六官之制度以康成而傳亦以康成而晦蓋康成之於經一則以緯說汨之一則以臆說汨之周官之意晦矣是以學者不得不疑

王應麟曰鄭康成注經以緯書亂之以臆說汨之而聖人之微旨晦焉徐氏微言謂鄭注誤有三王制漢儒之書今以釋周禮其誤一司馬法兵制也今以證田制其誤二漢官制皆襲秦今引漢官以比周官小宰乃漢御史大夫之職謂小宰如今御史中丞如此之類其誤三又曰唐禮志云讖緯亂經鄭立主其說以禋祀祀吳天上帝此天也立以爲天皇大帝者北辰耀魄寶也兆五帝於四郊此五

行精氣之神也。立以爲靈威仰赤熛怒含樞紐白招拒汁
光紀者五天也。由是有六天之說。顯慶二年禮官議六天
出緯書南郊圜丘一也。立以爲二郊。及明堂祭天而立以
爲祭太微五帝。啟蟄而郊。郊而後耕而立。謂周祭感生帝
靈威仰配。以后稷因而祈穀。皆謬論也。

周禮音

一卷

佚

魏了翁曰：康成以漢制解經，以賦爲口率出。泉三代安有
口賦？王介甫用之以誤熙寧，皆鄭注啟之。

王氏

肅

周官禮注

隋志十二卷

佚

周禮音

一卷

佚

陸德明曰肅著三禮音各一卷七錄惟云撰禮記音

司馬氏

仙

周官寧朔新書

唐志八卷

王懋約注

佚

晉書琅琊武王仙字子將起家爲寧朔將軍進封琅琊王

有平吳之功

按隋志梁有周官寧朔新書八卷晉燕王師王懋

約撰唐志作懋約注書以寧朔名當從唐志

傅氏立周官論評

唐志十二卷

佚

晉書傅立字休奕北地泥陽人弘農太守典農校尉封鶉
觚男武帝爲晉王以立爲散騎常侍進爵爲子加駙馬都
尉泰始中年爲御史中丞遷太僕卒諡曰剛追封清泉侯
唐書注陳邵駿

陳氏邵周官禮異同評

隋志十二卷

佚

晉書陳邵字節良東海襄賁人以儒學徵爲陳畱內史累
遷燕王師撰周禮評甚有條貫行於世

徐氏逖周禮音

一卷

佚

李氏軌周禮音

一卷

佚

虞氏喜周官駁難

七錄三卷

佚

隋志孫琦問干寶駁虞喜撰

干氏寶周官禮注

隋志十二卷釋文序錄十三卷

佚

答周官駁難

唐志五卷

隋志周官禮駁難四卷孫略撰唐志入千寶名注云孫略問

佚

陸德明曰宮正以下鄭總列六十職序千注則各於其職前列之

按千氏周官禮注陸氏釋文多引之又初學記引千氏注周官邊人之職羞邊之實煖餌粉羞云煖餌者豆未削末而蒸之以棗豆之味今餌餌也

伊氏

說

周官禮注

隋志十二卷

唐志十卷

佚

宋氏周官音義

佚

晉書韋逞母宋氏不知何郡人家世以儒學稱宋氏幼喪母其父躬自養之及長授以周官音義謂之曰吾家世學周官傳業相繼此文周公所制經紀典誥百官品物備於此矣吾今無男可傳汝可受之勿令絕世屬天下喪亂宋氏諷誦不輟其後爲石季龍徙之於山東宋氏與夫在徙中推鹿車背負父所授書到冀州逞時年少宋氏晝則樵采夜則教逞逞遂學成名立仕符堅爲太常堅嘗幸太學憫禮樂遺闕博士盧壺對曰廢學已久書傳零落比年綴撰正經麗集惟周官禮注未有其師竊見太常韋逞母宋氏世學家女傳其父業得周官音義今年八十視聽無闕

自非此母無可以傳授後生於是就宋氏家立講堂置生員百二十人隔絳紗幔而受業號宋氏爲宣文君周官學復行於世時稱韋氏宋母焉

劉氏

昌宗周禮音

隋志三卷

佚

顏之推曰李登聲類以系音羿劉昌宗周官音讀乘若承此例甚廣必須考校

陸德明曰周官巾車爲纁威袞云檢字林蒼雅及說文皆無此字眾家亦不見有音者惟昌宗音廢以形聲會意求之實所未了當是廢而不用乎非其音也

孫氏

略周官禮駁難

隋志四卷

唐志五卷

佚

崔氏

靈恩

集注周官禮

隋志二十卷

佚

沈氏

重

周官禮義疏

隋志四十卷

佚

王氏

曉

周禮音

一卷

佚

陸德明曰江南無此書不詳何人

威氏衮周禮音

佚

浙江通志衮字公父鹽官人

薛氏周官注

佚

按陸氏釋文引之云沈重依其文

亾名氏周官禮義疏

隋志十九卷

佚

周官禮義疏

隋志十卷

佚

周官禮義疏

隋志九卷

佚

周官分職

隋志四卷

佚

周官禮圖

隋志十四卷

佚

賈氏

公彥

周禮疏

唐新舊志五十卷

今併爲十二卷

存